

Publicaziuns officialas dils 12 settember 2025

Vischnaunca Trun

Annulaziun votaziun communal dils 28-09-2025

Deplorablamein ei capitau all'administraziun communal in sbagli ed ils acts tarmess cun il material da votaziun communal ein buca cumplets. Ord quei motiv vegn la votaziun per la lescha davart l'indemnisaziun dallas prestaziuns dalla vischnaunca da Trun en connex cul provediment d'electricitad annullada e spustada sin il proxim termin da votaziun il davos da november 2025. Las votaziuns federalas ein buca pertuccadas dil sbagli e han liug sco previu. Bien engraziament per la capientscha.

Suprastonza communal Trun

Contribuziun vid il quen dil dentist per affons da scola

Sco usitau munta la cumpart annuala dalla vischnaunca vid il quen dil dentist per ils affons da scola 50% dils cuosts, el maximum frs. 400.- per onn calendar. Entochen ussa vegneva quella contribuziun scuntrada cul quen dil dentist da scola che vegneva tarmess tier directamein alla vischnaunca. Muort ina midada da sistem tiels quens da dentist (schurmetg da datas) vegnan quels niev tarmess a mintgin privat. Nus supplichein ils geniturs d'inoltrar il quen sco emprem alla cassa da malsauns e silsuenter purtar il quen da dentist ensemen cun il rendaquen dalla cassa da malsauns al spurtegl dall'administraziun communal.

Administraziun communal Trun

Naschientscha

Pfister Sofia, naschida ils 5 da settember 2025, affon da Pfister Arno e Dietrich Larissa.

Controlla da habitonts Trun

Biblioteca Trun

Venderdis, ils **19 da settember allas 14.30** viseta il lieuret Pauli la Biblioteca. Affons denter 3e6onns cun bab ni mumma, tat ni tatta ein cordialmein envidai da vegnir e tedlar. La bibliotecaras selegnan sin vossa viseta

Alp Zavragia Encuretg ina pastura/in pastur per l'Alp Zavragia per la stad 2026

La vischnaunca Obersaxen Mundaun enquera ina pastura ni in pastur per la pintga alp da vaccas mumma Alp Zavragia sil territori dalla vischnaunca Obersaxen Mundaun per il temps d'alpegiaziun da zercladur tochen settember 2026. Ulteriuras informaziuns mira inserat en questa ediziun dil fegl official Surselva.

Museum Cuort Ligia Grischa

Dumengia, ils 21 da settember allas 14:15, Guida publicatras l'exposiziun d'art «Skizzas dad Alois Carigiet» cul curatur Marco Coray. La guida ei cumprida el prezi d'entrada. cordialmein envida

il team dil museum

Uniun da gimnastica da dunnas Ischi Trun

Mintgamai gliendisdis sera dallas 20.00 – 21.30 ha nossa ura da gimnastica liug a Trun. Nus essan ina grupp da dunnas e selegrein adina puspei sur da novas commemoras. Nies program da gimnastica ei zun variants ed ei d'anflar sin la homepage sut www.trun.ch . Ina ura da fuffergnadi ei da tut temps pusseivla. Havein nus leventau vies interess? Lu s'annunziei tier Cristina Derungs, 076 420 16 79 ni tinapustget@gmail.com